

鳳凰廳志

卷之

共定格本

楊雲程

鳳

凰

廳

志

重脩鳳凰廳志序



自古文獻之徵於國則有史於郡縣則有志志雖與史異體志實與史相備政令典章於是乎具土田賦役於是乎詳人物風俗興廢事功於是乎著故稽一

序

國之事莫賅於史而徵一郡一縣之事莫重於志鳳凰廳僻處楚邊崗苗錯據有明以前其所謂吏而治之者特備守禦以閑越畔耳禮教缺如志於何有自我

朝定鼎以來聲威遠暨陸贄水慄  
康熙四十六年各土司請內附  
咸歸印綬由是始置之官長籍  
其民人正其疆里迺析乾鳳永  
之地而廳之蓋政令制作自是  
始具焉乾隆十八年休寧慎齋

序

二

黃公以岳守來分巡此地舉廢  
脩墜勤於更化爰率僚屬裒輯  
舊事彙纂成書鳳凰廳之有志  
實肇於此然歸流未久經制未  
備則其志亦猶草創也總此風  
會日新政以時異又守茲土者

類多賢能教民興學分農勸稼  
移風易俗日進蒸蒸日上而其中政  
績之卓著則尤在於治苗蓋鳳  
廳之治苗戢則民安前後數十  
年閒脩邊墻建關隘設汛哨嚴  
條約人不一事事不一人而鳳

序

三

廳遂巍然為南服重鎮至乾隆  
六十年羣苗復恣跳梁豕突鷓  
張肆出焚掠

子命帥簡師誓期底定

王師所到電掣雷轟披榛莽而剔  
巢穴集渠翦魁論脅釋服用克

爲滌害氣胥臻廓清而一時屯  
田練勇矧卡關防設義館以廣  
教化養苗兵以範蠻荒舉凡興  
創設施則前觀察傅重菴廡訪  
之規爲尤爲詳備爲余不佞奉  
命巡是邦下車以來每兢兢思民

序

四

苗所以久安之道欲訪已事而  
師守之乃舊志作於數十載以  
前多所未備竹菴司馬爲慎齋  
黃公從姪遙知斯廳乃復取舊  
志而詳檢之續其所未及補其  
所未全稽覈搜討裒然成書而

於屯防苗防諸要政尤加詳賅  
俾茲斯土者知禮教之不可以  
不脩武備之不可以不講化篤  
驚而範蠢動庶幾習淳守樸之  
民長安耕鑿而永臻熙皞也然  
則觀廳志而所以治斯廳者其



序

五

道備焉矣余既覽此志之有裨  
於治道而竹菴之繼述前徽後  
先濟美則又一時之盛也是為  
序

道光四年歲次甲申閏七月下  
澣分巡湖南辰永沅靖兵備道

海豐張映蛟撰并書



序

六

舍而養鳳

鳳鳳鳳鳳

續修鳳凰廳志序

國家承平百八十年聲教暨乎荒外  
德澤洽於邊陲凡禮俗政事人民  
孝秀田賦軍實疆里山川以及戶  
口之殷繁物產之阜盛府州縣皆  
登之志乘以達

序

天府以光

國憲備哉燦爛真神明之式也廳地

舊屬苗疆土司世據其地康熙中  
始請歸附文物典章尚多荒畧乾  
隆癸酉余從伯吾南公分巡於此  
憫其缺陋爰率僚屬肇修廳志

於今六十餘載矣氣運所積世異  
政舉自嘉慶元年戡定苗亂後各  
大憲稟承

謀籌辦善後事宜一切城垣村堡官  
制兵制屯田學校訓練苗防因時  
制宜燦焉脩舉而一時忠臣志士

序

與夫烈女貞婦之成仁取義亦多  
炳焉足紀官斯土者若不纂述成  
書何以昭鑒戒示法守乎余承乏  
茲土檢閱舊志得讀先從伯手叙  
慨然思所以繼其志而次第補續  
以成完書乃請於觀察張得兩先

生遘廳人士之有學能諳事故者  
開局採輯學博周雲湖長書院孫  
秋崖進士相與商訂紀載必從其  
實因革必詳所自確稽近事博採  
舊章上自

本朝

序

三

列聖安邊之訏謨下及歷代卿大夫綏  
苗之偉畧以至懿行美節土物風  
俗苟有關於民生利病者皆得分  
門記註余以時權衡裁酌其間務  
期無遺無誤其為卷凡二十其為  
目二十有七閱七月而告竣爰付

剗厠用脩掌故雖未極著述之大  
觀而較之舊志為加盈焉亦庶幾  
無負先從伯肇創之意云爾  
道光三年嘉平月上澣湖南鳳凰  
直隸廳同知海陽黃應培撰

序



從來風俗與化移易而欲民氣之敦  
龐文風之丕變必先端士習蓋士習  
克端則文行兼修爲顯愚所矜式斯  
能潛移默化而一躋於

邦治我

聖朝重熙累洽久遠化成卽屬在邊陲亦

序

莫不興樂利而敦仁讓其所漸摩者

久矣

雁

於道光二年司鐸鳳廳課士

之暇披覽前任觀察黃公所修廳志  
已見一斑及觀嘉慶元年平苗以後  
善後事宜罔不犁然具備而所以振  
興庠序嘉惠士林薰陶而作者

更詳且善舊有義學六館化導未徧  
今復增設屯義學二十七館苗義學  
二十三館爲之擇師儒以專其訓課  
給廩餼以資其膏火又於鳳城別設  
兩大館令新立肄業其中由是屯苗  
之子弟皆得負笈相從幾於戶盡詩

序

書人知禮義且於敬修書院創立規  
模擇師之敬德修業者聘之以最多  
士士亦相觀而善爭自濯磨自嘉慶  
戊辰

恩科

編邊田字號以來鄉薦有人文風日

上此皆 大憲仰體

皇上 屢念邊隅作人雅化既於綏定示防  
維之策更於格被寓化導之方法至  
備恩至渥也前應贈中丞重菴傅公  
暨陞任觀察秋桂姚公皆欲重修廳  
志而未逮今司馬黃竹安先生面示

序

三

滙曰余思續修以成全書學博與士  
相接宜謀之諸生以共襄厥事 滙竊  
思採風問俗司牧職也徵文考獻司  
鐸事也爰與諸生謀皆踴躍輸公開  
局採訪司馬顧而樂之閱一載而告  
蒞焉因綴序言謹溯士習之所由

文風之所由茂仰見

盛世養士之澤於無窮也若夫邊防屯務  
軍實諸大政凡所以善後者備列於  
書後之君子欲推而考之可以觀焉  
道光四年歲次甲申秋八月朔日

馮寧周滙萬謹序



序

鳳凰廳志卷之首

舊序

記曰南不盡衡山自衡湘以南皆古蠻徼之域有虞氏格苗以後殷周之際號稱荒服楚開黔中秦伐所之漢興立武陵郡迨乎東京五溪鷲狠不馴歷唐宋元明羈縻弗絕而已其中有土有苗始也土挾兵以讐苗苗亦倚土以作暴繼而土弱苗強故前代苗民逆命則又土爲之導也

國家聲教誕敷改土歸流而苗亦恭順各安其業余奉

鳳凰廳志

卷之首

舊序

一

命視學湖南行部辰州校士閱文觀諸生進止咸雍容有禮法豈苗之真不可化哉良由治之不得其道耳辰屬有鳳凰乾州二廳設廳之由康熙二十八年紅苗劫掠村堡官兵討平之三十七年移鎮臣以援剿之四十三年檄兵巡以彈壓之又設通守以分防之然土官猶仍其舊習四十六年土司田宏添不法偏沅巡撫趙恭毅公奏

請斥革不與世襲廳始得專其政令雍正五年更設永綏一廳與鳳凰犄角而疆圉永靖蓋用力如此其勤